

**ZAVOD ZDRAVSTVENOG OSIGURANJA I REOSIGURANJA
FEDERACIJE BOSNE I HERCEGOVINE
SARAJEVO**

U p u t s t v o

**za sastavljanja izvještaja i načinu pravdanju utrošaka lijekova u
zdravstvenim ustanovama u Federaciji Bosne i Hercegovine na teret
sredstava fonda solidarnosti Federacije Bosne i Hercegovine**

Sarajevo, juni/lipanj 2023. godine

Na osnovu člana 3. i 7. Zakona o trezoru u Federaciji Bosne i Hercegovine ("Službene novine Federacije Bosne i Hercegovine", broj 26/16 i 3/20), člana 56. i 57. Zakona o budžetima u Federaciji Bosne i Hercegovine ("Službene novine Federacije BiH", broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25/22 i 25/22a), tačke V 10. Uputstva o izvršavanju budžeta sa jedinstvenog računa Trezora ("Službene novine Federacije Bosne i Hercegovine", broj 34/16), tačke XII Odluke o kriterijima i načinu korištenja sredstava fonda solidarnosti Federacije Bosne i Hercegovine ("Službene novine Federacije Bosne i Hercegovine", broj: 26/23), direktor Zavoda zdravstvenog osiguranja i reosiguranja Federacije Bosne i Hercegovine, d o n o s i

U p u t s t v o

za sastavljanja izvještaja i načinu pravdanja utrošaka lijekova u zdravstvenim ustanovama u Federaciji Bosne i Hercegovine na teret sredstava fonda solidarnosti Federacije Bosne i Hercegovine

I Opšte odredbe

Član 1.

Ovim Uputstvom se:

- utvrđuje postupak i način obračunavanja utrošaka lijekova sastavljanja izvještaja o utrošku u zdravstvenim ustanovama sa kojima Zavod zdravstvenog osiguranja i reosiguranja Federacije Bosne i Hercegovine (u daljem tekstu: Federalni zavod) ima zaključene ugovore. Utvrđena je obaveza i rokovi dostavljanja izvještaja o utrošku lijekova;
- Uputstvom nisu obuhvaćene lijekovi i potrošni materijal za hemodijalizu, koje su uređene posebnim uputstvom;
- propisuje obavezna dokumentacija kod izvještavanja o utrošku lijekova.

II Obračun utrošaka lijekova

Član 2.

(Način korištenja lijekova)

Odlukom o listi lijekova fonda solidarnosti Federacije Bosne i Hercegovine utvrđena je Lista lijekova u bolničkoj zdravstvenoj zaštiti koji se koriste na teret sredstava fonda solidarnosti Federacije Bosne i Hercegovine (u daljem tekstu Lista lijekova fonda solidarnosti), kao i način korištenja tih lijekova bolničkoj zdravstvenoj zaštiti u Federaciji Bosne i Hercegovine.

Član 3.

(Izvještaji o utrošku lijekova)

Zdravstvena ustanova će sačiniti izvještaj o utrošku lijekova, kojega čine: Pregled liječenja sa osnovnim podacima za svako osigurano lice pojedinačno (Tabela 1) i zbirni obračun utroška lijekova koji se nabavljaju na teret sredstava federalnog fonda solidarnosti (Tabela 2). Izvještaji o utrošku lijekova moraju nedvojbeno osigurati uslove za obavljanje formalne, suštinske i računovodstvene kontrole.

Obavezno sadrže opšte podatke o zdravstvenoj ustanovi: naziv zdravstvene ustanove/naziv odjela, broj i datum obračuna/pregleda.

Zdravstvena ustanova obavezna je izvještaje o utrošku lijekova dostaviti Federalnom zavodu mjesečno, odmah po završetku mjeseca, a najkasnije do desetog dana u tekućem mjesecu za prethodni mjesec.

Član 4.

(Zbirni obračun utroška lijekova)

Zbirni obračun utroška lijekova sačinjava se posebno za svaku grupu lijekova (citostitici, citostatici sa posebnim režimom propisivanja, imunosupresivi, lijekovi za liječenje hepatitisa C i B, lijekovi za liječenje multipla skleroze, lijekovi za liječenje hemofilije, humani imunoglobulin, lijekovi za liječenje upalnih bolesti crijeva, lijekovi za profilaksu respiratornog sincicijalnog virusa, antiretrovirusni lijekovi i lijekovi sa posebnog programa) u skladu sa utvrđenim grupama preciziranim Listom lijekova fonda solidarnosti.

Zbirni obračun sadrži sljedeće podatke:

ATC sa internom šifrom Federalnog zavoda (koja se odnosi na oblik lijeka), generički naziv lijeka, oblik, jačina, proizvođački naziv, utrošena količina (Tabela 2)

Uz zbirni izvještaj dostavlja se i zbirna specifikacija po pacijentima (ime i prezime pacijenta, JMB, generički naziv lijeka, proizvođački naziv lijeka, oblik, jačina i utrošena količina) (Tabela 2a).

Član 5.

(Pregled liječenja sa osnovnim podacima za svako osigurano lice pojedinačno)

Sastavni dio zbirnog obračuna su pregledi liječenja sa osnovnim podacima za svako osigurano lice pojedinačno, koji sadrže:

- JMBG (jedinstveni matični broj),
- ime i prezime pacijenta,
- period u kojem se ordinira lijek,
- broj i datum izdate saglasnosti za lijek
- naziv kantona (po mjestu prebivališta)
- odobrena količina lijeka po saglasnosti¹
- utrošena količina po saglasnosti
- šifra dijagnoze/bolesti (MKB10) i naziv dijagnoze;
- (ATC) iz Liste lijekova fonda solidarnosti, sa internom šifrom Federalnog zavoda (koja se odnosi na oblik lijeka)
- naziv lijeka i INN,
- količina,
- jedinica mjere.

Propisane podatke u obrazac unosi i potpisuje ovlašteno lice zdravstvene ustanove uz obavezan potpis pacijenta.

Obavezan prilog svakom pojedinačnom pregledu liječenje je saglasnost nadležne komisije za odobravanje liječenja na teret federalnog fonda solidarnosti temeljem koje je izdat lijek

¹ Saglasnosti koje se izdaju bez navedene količine i naziva (citostatici), u predviđena polja ne unosi se odobrena količina

pacijentu². Ukoliko pojedinačni pregledi ne budu sadržavali propisano biće osporeni i vraćeni zdravstvenoj ustanovi.

III Računovodstveni aspekt

Član 6.

(Sadržaj isprave, principi, osporavanje isprave)

Sadržaj izvještaja o utrošku lijekova kao knjigovodstvene isprave mora nedvojbeno i vjerodostojno pokazivati vrstu i obim nastale promjene, odnosno utrošenog lijeka (zajedno sa popratnom dokumentacijom).

Izvještaj o utrošku lijekova kao i svaka knjigovodstvena isprava treba da zadovolji princip tačnosti, istinitosti, pouzdanosti, sveobuhvatnosti, pravovremenosti i pojedinačnom iskazivanju poslovnih događaja.

Izvještaj o utrošku lijekova je predmetom formalne i suštinske kontrole ispravnosti kao knjigovodstvene isprave i polazi se od toga da li je sastavljen u skladu sa propisima i općim aktima, te Federalni zavod zadržava pravo da je ospori ili vrati u slučaju neispunjenja odredbi ovog Uputstva, zaključenog ugovora ili zakonskih propisa.

Nakon izvršene kontrole o mjesečnoj potrošnji lijekova Federalni zavod dostavlja zdravstvenoj ustanovi izvještaj o evidentiranoj potrošnji za svaku grupu lijekova na potvrdu ili eventualno usklađivanje ukoliko postoje odstupanja.

Zdravstvena ustanova dužna je potvrditi, odnosno ukoliko postoje neslaganja izvršiti usklađivanje, u roku od 5 dana od dana prijema obavijesti o stanju evidentirane potrošnje.

Usaglašavanje stanja zaliha Zavoda i zdravstvenih ustanova, vrši se dvomjesečno (dostavljaju se lager liste, kao i kartice ulaza i izlaza sa unesenim pravdanim utrošcima). Zdravstvena ustanova dužna je, u roku od 5 dana od dana dostavljanja izvještaja na usaglašavanje, dostaviti informaciju za iskazana eventualna odstupanja i razlike, odnosno zahtjev za potrebnom korekcijom.

Ukoliko se prilikom kontrole podataka i dokumentacije iz prethodnog stava, ustanovi da isti nisu saglasna odredbama ovog Uputstva i odredbama zaključenih ugovora i iste se neće priznati.

² Za suglasnost kojom komisija produžava pacijentu parvo korištenja lijeka, a utvrđuje se spiskom, ne pojedinačno izdatom saglasnosti, za grupu lijekova dostavlja jedan spisak na kojem su boldirani pacijenti za koje se utrošak dostavlja.

IV Završne odredbe

Član 7.

(Prilozi)

Sastavni dio ovoga Uputstva su tabele, koje se daju u prilogu, i to:

- Tabela 1. Pregled liječenja po osiguranom licu
- Tabela 1a. Ogledni primjerak obrasca
- Tabela 2. Zbirni obračun utroška lijekova po oblicima i grupi lijekova _____ za mjesec _____ 20__ godine, sa zbirnom specifikacijom utroška po pacijentima
- Tabela 2a. Zbirna specifikacija utroška lijekova po pacijentima za mjesec _____ 20__ godine (sortirano po imenu)

Član 8.

(Stupanje na snagu i primjena)

Ovo Uputstvo stupa na snagu danom donošenja, a primjenjivaće se od 01.07.2023. godine.

Danom stupanja na snagu ovog Uputstva prestaje da važi Uputstvo za postupak i način obračunavanja utroška lijekova i potrošnog medicinskog materijala, sastavljanja izvještaja o utrošku, kao i fakturisanje pruženih zdravstvenih usluga liječenja osiguranih lica u zdravstvenim ustanovama u Federaciji Bosne i Hercegovine na teret sredstava fonda solidarnosti Federacije Bosne i Hercegovine broj: 01/V-07-1-2669-1/16 od 14.10.2016. godine.

Broj: 01/V-07-1-2833-1/23
Sarajevo, 21.06.2023. godine



DIREKTORICA

Izv. prof. dr. sc. *[Signature]* Wlatka Martinović, dr.med.

Tabela 1.

Zdravstvena ustanova:	
Organizaciona jedinica-odjeljenje:	

Pregled liječenja po osiguranom licu

Generalni podaci

1.	Period u kojem je ordiniran lijek od - do	
2.	Ime i prezime pacijeta	
3.	JMBG pacijenta	
4.	Broj saglasnosti za liječenje osiguranog lica na teret sredstava fonda solidarnosti Federacije Bosne i Hercegovine	
5.	Datum izdavanja saglasnosti	
6.	Naziv kantona na čijem području je pacijent osiguran i ima saglasnost i uputnicu za liječenje	
7.	Šifra dijagnoze – bolesti (MKB10)	
8.	Naziv dijagnoze	

Specifikacija lijekova

r.b.	Naziv lijeka, INN, jačina, jedinica mjere, oblik	Šifra lijeka (ATC) i interna šifra	Odobrena količina po saglasnosti ³	Odobrena količina po saglasnosti za mjesec ⁴	Ukupno utrošena količina po saglasnosti ⁵
-1-	-2-	-3-	-4-	-5-	-6-
1					
2					

Potpis pacijenta

Potpis i faksimil
ordinirajućeg
liječnika/odgovorne
osobe³ Unosi se količina koja je ukupno odobrena po saglasnosti za koju se dostavlja pravdanje⁴ Unosi se količina koja je utrošena za mjesec za koji se pravdanje utrošenog lijeka dostavlja⁵ Unosi se količina koja je utrošena od dana izdavanja saglasnosti zbirno sa tekućim mjesecom

Tabela 1a. Ogledni primjerak obrasca

Primjer 1

Zdravstvena ustanova:	Klinički centar XXXX
Organizaciona jedinica-odjeljenje:	Klinika za onkologiju _____

Pregled liječenja lijekovima

Generalni podaci

1	Period u kojem je ordiniran lijek od - do	01.06.2023 – 15.06.2023.
2	Ime i prezime pacijeta	Niko Nikić
3	JMBG pacijenta	0102964936123
4	Broj saglasnosti za liječenje osiguranog lica na teret sredstava fonda solidarnosti Federacije Bosne i Hercegovine	02-1111-17/23
5	Datum izdavanja saglasnosti	30.5.2023. godine
6	Naziv kantona na čijem području je pacijent osiguran i ima saglasnost i uputnicu za liječenje	Tuzlanski kanton
7	Šifra dijagnoze – bolesti (MKB10)	C90
8	Naziv dijagnoze	Myeloma multiplex

Specifikacija lijekova

r.b.	Naziv lijeka, INN, jačina, jedinica mjere, oblik)	Šifra lijeka (ATC) i interna šifra	Odobrena količina po saglasnosti	Odobrena količina po saglasnosti za mjesec	Ukupno utrošena količina po saglasnosti
-1-	-2-	-3-	-4-	-5-	-6-
1	Granocite, lenograstim, 263mcg, film tbl	L03AA10 001			6
2	Fulvestrant, fulvestrant, 250mg, inj.	L02BA03 002	32	8	2
3	Ibrance, palbociklib, 125mg, tbl	L01XE33 003	180	60	21
4					

Potpis pacijenta

Potpis i faksimil
ordinirajućeg liječnika

Tabela 2

Primjer 2

**ZBIRNI OBRAČUN UTROŠKA LIJEKOVA
ZA MJESEC _____ 20__ .GODINE**

r.b.	Naziv lijeka	INN	Jačina	Jedinica mjere	Oblik	Šifra lijeka (ATC)	interna šifra	Utrošena količina
-1-	-2-	-3-	-4-	-5-	-6-	-7-	-8-	-9-
1	Granocite	lenograstim	263	mcg	Film tbl	L03AA10	001	6
2	Fulvestrant	fulvestrant	250	mg	inj	L02BA03	002	2
3	Ibrance	palbociklib	125	mg	tbl	L01XE33	003	21

Datum: _____

Potpis i pečat

Tabela 2a

Primjer 3

ZBIRNA SPECIFIKACIJA UTROŠKA LIJEKOVA PO PACIJENTIMA
ZA MJESEC ____ 20__ .GODINE

r.b.	Ime i prezime	JMB	Naziv lijeka, INN, jačina, jedinica mjere, oblik	Šifra lijeka (ATC) i interna šifra	Utrošena količina
-1-	-2-	-3-	-4-	-5-	-6-
1	Niko Nikić	2304966521456	Granocite, lenograstim, 263mcg, film tbl	L03AA10 001	
2	Meho Mehić	1402987125148	Fulvestrant, fulvestrant, 250mg, inj.	L02BA03 002	
3	Stevo Stević	0206001258247	Ibrance, palbociklib, 125mg, tbl	L01XE33 003	

Datum: _____

Potpis i pečat